

# Newsletter Canada

---

---

## **Tag der Besuche**

**22. Mai**

Am hütige Sunntig sind miir wiedermol en andere Schwiizer Trainee go bsüechle. Demol isches richtig Oste gange. Das Dorf heisst Foxworren und dete wohnt de Bauer Mc Tavish, am Name aa en rechte Kanak! Dete sind mir uf de Chrigel Aerne us Lütisburg troffe! Er het mit üs e Hoffüehrig gmacht. Wo er üs denn s Huus zeiget het, isch am schluss na de Cheller dracho..... uiuiui... So en Cheller... ! Det ine hets e chlini Bar gha mit emene Billard-Tisch! Miir hend denn üs scho gwusst wie verwiilä. Und plötzlich hets gheisse es git Znacht! Au de Ueli und de Dani sind iiglade xs! Nach dem glatte Numittag/Obig sind miir denn hei gfahre und sind go pfuse!

## **Werktage**

**23. -28. Mai**

Leider gits nöd viel z brichte über üsi Werktag! Drum schriibet miir es paar Technischi Date here! D Arbeite sind wie immer gsi: Kultiviere, Spraye, Säie, Stonepicken, Mschine repariere uf em Feld, usw.! Ah ja, Säie dörfet miir nöd, will die Farmers do wend sich ja siicher sii das au öppis wachse tuet..... aber miir hend ja sust en huufe ztue!

<b><u>Arbeitstag:</u></b>	Tagwache:	05.30
	Arbeitsbeginn:	0600
	Lunch:	uf em Traktor
	Arbeitsende:	zwüschet halbi Nüni und Zehni bisch nie Sicher
	Bettliziit	23.30

### **Maschinä:**

JohnDeere 9620 (Schlepper)

JohnDeere 4710 (Sprayer)

Bilder:



Fahrgeschwindigkeit: 10.0 Mph

16 Mph

Arbeitsfläche: 60 Fuss / 20 Meter

90 Fuss / 30 Meter

Leistung: ca. 400 Ps

ca. 130 Ps

GPS: JohnDeere mit Atosteer (fährt alleine) 5cm genau!!!!

# Newsletter Canada

---

**Feld:** Grösse: 1x1 Meile = 1 Section oder 258 ha Land  
Bearbeitungszeit: Wenn alles rund läuft und ohni grossi Weiher und anderi Tümpel, und chasch viel mit Autosteer fahre..... denn hesch mit em Spraier öppe 6-7 h und mit em Kultivierer 13 h!

Fahrzeit für 1 Länge: ca. 6min

## **Arbeitsleistung in 2 Wochen:**

Durchschnitts Arbeitsstunden : ca. 15h  
Bearbeitete Fläche: ca. 2000 ha Kultiviert  
ca. 2500 ha Gsprayt  
Verbrennter Treibstoff: all 2 Täg 3x Tankä ca. 1000 lt. (kultivierten)

## ***Werktage***

***31. Mai - 05. Juni***

Also dank em Räge hend mir es langs weekend chönne verbringe, mit en huufe bsuech! Jetzt isch das wuchenend aber dure und miir schaffet, halt wieder i de Werkstatt. S isch eifach na z nass für ufs Feld, und es rägnet alltag chli. Aber Hüt am Mäntig abig isch ja bekanntlicherwiis Huusfraue obig! Darum het de Ueli s erst mal de Rase gschnitte! Selbstverständlich gits au für das e Maschine! Gseht meh us wie en motorisierte Rollstuehl mit emne Mähwerk! Isch aber de plausch zum umedüse! Ah ja s isch soo chalt das mer wieder muess d chappe aalege! Und das im Juni! Amazing! ☺



Leider hets viel gregnet drum hends mir au nöd so streng. Aber am mittwuch het au de Dani s erst mol chönne go spraye go.

Am Dunnstig hend mir wiedermol zwüscheffäll gha im Huus. Mir sind im feld xsi am fahre, denn uf eimal hets en Platzräge geh und s isch go gwittere cho. Do sind mir na 20 minute gfahre, und chli spöter hend mir üseri arbet aprupt gstoppt! ☹ S isch eifach nüme gange! Defür isches üsere sunntig is Wasser gfallte und mir dörfet schaffe wills chli schöner Wetter isch!

Soo das wers xsi vo üserem zwei Wüchige bricht!

Grüsse vom Team Canada

# Newsletter Canada

---

---

